

## 17.25 CUNTRASTS SIN SRF 1

---

### BUGLIA

*Il scandal da cartels en il Grischun.*



I buglia en Grischun: Quests dis ha in scandal scurlattà tras l'entir chantun. La Cumissiun da concorrenza (CumCo) ha scuvrì il pli grond cas da cartels ch'igl ha mai dà en Svizra en la branscha da construcziun. Interpresas da l'Engiadina, da la Val Müstair e punctualmain era dal rest dal chantun vegnan inculpadas e sancziunadas dad avair coordinà sur onns las lavurs e dad avair sa cunvegnidas a pretschs, sin donn e cust da privats e dal maun public. Interpresas, uffizis ed era la regenza grischuna èn sut pressiu ed en la buglia – be in mais avant las elecziuns chantunales. Co ha quai pudì capitar? Tgi è entretschà en quest scandal? Tgi avess stuì s'intermetter? L'emissiun «Cuntrasts» tschertga respostas e dat scleriments en tut la pulvra levantada durant ils davos dis.